

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Historia Zaringo Badensis**

**Schöpflin, Johann Daniel**

**Carolsruhae, 1765**

LXI.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

## LXI.

BULLA ALEXANDRI III. PAPÆ, QUA LAUSANENSIS ECCLESIE JURA ET JURAMENTUM  
A BERCHTOLDO DUCE EI PRÆSTITUM  
CONFIRMANTUR.

ANNO MCLXXVIII.

Alexander Episcopus. Venerabili fratri Rogerio Lausanensis ecclesie Episcopo, & Apostolice sedis Legato, ejusque successoribus canonicè substituendis in perpetuum. Cogit nos summi Pontificatus auctoritas fratribus & Coepiscopis nostris tam vicinis quam longe positis paterna provisione consulere, & Ecclesias eorum gubernationi commissas in suis Juribus conservare. Sed tibi & Ecclesie tue tanto sollicitius adesse compellimur, quanto devotionem & probitatem tuam ex longa conversatione & familiaritate manifestius sumus experti. Eapropter venerabilis in Christo frater Episcopo. tuis justis postulationibus gratum imperimus assensum & Ecclesiam Lausan. cui Deo authore preesse dignosceris sub B. Petri & nostra protectione suscipimus — statuentes ut quascunque possessiones quæcunque Bona — in quibus hæc proprijs duximus exprimenda vocabulis, ea videlicet, que tempore Burchardi quondam Lausanensis Episcopi ab Heinrico Imperatore jam dictæ Ecclesie pia sunt devotione collata, & quæ tempore Amedei Predecessoris tui a Conrado

Illustri

Illustri Romanorum rege sunt sui scripti robore confirmata. scilicet muratum & Cubizaca, Potestatem de Corfiaco, de Polliaco, Vallem de Lustriaco. Quicquid Dux Rudolfus & sui habuerunt cum omnibus appenditijs suis sicut in scripto prefati Heinrici continetur. Et cum quique pastores positi sunt in ædificationem non in destructionem apostolica autoritate decernimus ut nec tibi nec tuis successionebus liceat bona Lausanensis Ecclesiæ distrahere vel alienare, sed potius que indebite distracta ad jus ejusdem Ecclesiæ tuo studio revocentur. apostolica quoque autoritate nihilominus interdiciamus, ne tibi aut ipsis de cætero licentia pateat Lausanensem *Majoriam* (a) alicui in feudum dare. Preterea felicitis recordationis Patris & Predecessoris nostri Eugenii Papæ vestigijs inhærentes omnes donationes a Lamberto, qui a Viriberto Hæresiarcha ordinatus, Lausanensi Ecclesiæ utcunque præfuit de rebus ipsius Ecclesiæ factas, evacuamus & irritas esse censemus. Ad hæc quia nobilis Vir *Berchtoldus* prædicta Amadeo Predecessori tuo & successoribus ejus hujusmodi dicitur prestitisse juramentum, (b) quod in Ecclesia Lausanensi liberam permetteret Electionem fieri, quod nihil eorum, quæ ab Episcopo tenebantur, sibi acquireret. Quod servitium, quod pro Chebrij & Lustriaco in mutatione Episcopi debebatur, ipse vel heres suus de cætero non exigeret, sed ea de manu sua Episcopus sine omni datione reciperet sicut & alia regalia, & quod ea quæ Ecclesia ipsa perdiderat, & quæ a longo tempore alienata fuerunt bona fide pro viribus recupe-

(a) Majoria, *Mairie*.

(b) Juramenti hujus formula supra exstat ad Annum 1157.

rare juvaret, Quod ad villas Ecclesiæ suos non permetteret ire pro Palatio vel alijs necessariis, nec in Villis ipsis hospitaretur & quod in Palatio Episcopi aut in Domibus Clericorum aut militum, eis invitis hospitium non haberet, nec ab eodem Palatio vel Domibus quicquam violententer auferret. Juramentum ipsum ratum habemus & firmum sub interminatione Anathematis inhibentes, ne prefatus Dux vel hæres ejus contra ea, quæ diximus, juramento firmata, venire præsumat. Insuper tibi concedimus usum Pallij ex amore ad Sacra Missarum solempnia celebranda, ut eo utaris festivitibus istis duntaxat: Videlicet in natali Domini, in festo B. Stephani, in Epiphania, in quatuor festivitibus B. Mariæ, in Cœna Domini, in Sabbatho Sancto & Pascha, in Ascensione Domini, in Sabbatho Pentecostes, & in ipso festo Pentecostes in festo B. Johannis Baptistæ, in festo Beatorum Petri & Pauli, in festo omnium Sanctorum, in consecrationibus Ecclesiarum & ordinationibus Clericorum, in præcipuis festivitibus Ecclesiæ Tuæ, in Anniversario Consecrationis Tuæ. Jura quoque & rationabiles consuetudines Ecclesiæ & Civitatis tuæ auctoritate apostolica confirmamus. Decernimus ergo, ut nulli omnino &c. &c. &c.

Ego Alexander Catholicæ Ecclesiæ Episcopus &c. &c. Datum Anagnij XVI. Kalend. Novembris Indiæ. XII. Incarnationis Dominicæ Anno MCLXXVIII. Pontificatus vero Domini Alexandri Papæ III. Anno XXI.